

## قتيل العبرة لمصابه القلب مختار قليل بحقه لو يجري الدمع نثار

أنا شغذري إذا ما أصب دمع هالعين  
واقرح هالمحاجر بالبجي أعلى حسين  
إذا ما أنوحه أخسر والله بالدارين  
شجاوب لي حضر في قبري المختار

إبن بنته جزاته يندبح عطشان  
يحزوا راسه وجسمه يظل عريان  
سليب بلا غسل بجي الإنس والجان  
لئيم الما تصب عينه الدمع مدرار

فجميع مصابه لجله تعطّلت لفلاك  
وناحت في السماوات العلى الأملاك  
عجب ما ساخت الدنيا أعلى كل سقّاك  
فرى جبد الرسول بذبج أبو الأحرار

أنا اللي بماتمه يا ما ذرفت دموع  
على صوت النواعي ترتعش لضلوع  
أون عد منبره من قلبي الموجوع  
من أسمع مصرعه جوفي يشب بالنار

يحق ليّـه الجزع لمصابه ما أنلام  
لقضّي هالعمر كله بحزن وآلام  
واموت بحسره للي طبيبوها الشام  
أواسي المجتبي وامّه وعلي الكرار

إذا ينعي الخطيب أبجي مع الأبيات  
على مصاب السبب تتحادر الدمعات  
تموتني المصيبة واصحى بالونات  
حياتي بلا وجوده مـكـور الأكرار

حبيبي حسين أنا من حبه أتـنقّس  
ذبيح الله اللي من ميمونه أتـنكّس  
جريح بدمّه تراب الطف تُقدّس  
متى يظهر ولي الدم يصيح الثار